


# Kumtluang

BU NGANA



Pawl-V Mizo

## KAIRUMA CHANCHIN

Mizo lal ropui tak Kairûma Vùttâia fapate zinga hmingthang ber a ni a. Kum 1852-ah khan Hualtu khuaah a lo piang a. A nupui Thangpuilali nen chuan fa pathum an nei a. A nupui dangte lakah fapa pathum a nei bawk.



Kairûma hi a pa thih hnuah Rùllâm aţangin Ngentiang khuaah a kai a, chu chu a lal ţanna a ni. A lal ţan lai hi kum 1880 vel a ni. Ngentiang aţangin Khawhâiah a kai chho va, chuta ţang chuan Sialhâwk Karmualah a awm leh a, chumi hnu chuan Lailênah a kai pheih leh a. Lailên aţang chuan kum 1893-ah Khawbung ram Tlaikuangah a insuan chho leh ta a ni.

Chutih lai chu British sawrkarin Mizoram awp tura ţan a lâk chhoh mêk lai a ni a. Mizo lal dangte chu an tudawl vek tawh nghe nghe a. Kairûma chauh chu an thu hnuah an la dah ve loh a ni a. Chuvang chuan British sawrkar chuan Kairûma chu an enghelh hle mai a. A khua, Tlaikuang bei turin Lunglei aţang te, Aizawl aţang te leh Burma aţang tein sipai tam tâwk ţuang thumin a tir a. Anrawn pan khawm a, Tlaikuang khua chu an hual ta a.

Kairûma chuan ţan lo khawh sâwtin a hre ta lo va, sipaiho hnenah chuan a inpe ve ta a. A inpêk hnu chuan Tlaikuangah chuan a khuate a then la awm thovin amah chu Bungzung ram Hmuntêah a va awm ta a.

British sawrkarin silai chawi tura an tuk leh kuli an phûţ te an pèk ţat duh loh avangin kum 1896 kum tirah Tlaikuang chu sipaiin an han hâl a. Amah Kairûma pawh chu an man a, Aizawl jail-ah thla ruk lai an tantir leh ta a.

A tâng lo chhuah hnuah chuan Hmuntêah a han awm leh zet a. A khuateho chu hui khawmin Biateah khaw thar a din leh a, in 350 lai a nei leh ta a. Chutah chuan a thih thlengin a awm ta a ni. A dam rei lo va, kum 60 mi lek niin kum 1912 February thla khan a thi a, ropui taka vui liam a ni a, a lungphun pawh a la ding reng a ni.



Kairûma hi lal fîng leh rorel thiam taka sawi a ni. A khua leh tuite a enkawl ðha a, a khuaah mi chhia an bet lo va, mi ðha leh neinung an pâwng hek lo. Chuvang chuan miin an pan a, khua pawh a ngah hle ðhin. Biate khua pawh hi Mizoram buai thleng khan Mizoram thingtlang khaw lian ber a ni reng nghe nghe a ni.

Heng a ðhatna leh tlinna hrang hrangte avang hian lal ropui taka ngaih a ni a. British sawrkar pawhin Mizo lal ropui leh khua leh tui vawng thiamah a ngai a. Kum 1911 Coronation Day-ah pawh India ram lal ber hnen aþangin Certificate a dawng a. Chu certificate-ah chuan, “India ram Larsâp chuan Delhi khawpuia Lalber Khumtir Ni hmangtu milian kal khawmnaah Kumpinu George V-na hmingin Mizo lal Kairûma, Biate khaw lal hnenah he lehkha hi khua leh tui vawn a thiam avangin a pe a ni,” tih a chuang a ni. Kairûma chu Mizo lalte zingah British sawrkarin Mizoram awp a tum laia British sawrkar do rei ber leh an laka tlâwm hnunung ber a ni a, a ngaih sanawm hle.

### Thu pawimawhte

|         |           |         |        |       |
|---------|-----------|---------|--------|-------|
| kai     | insuan    | tutlawm | bet    |       |
| enghelh | tan       | khawh   | kuli   | vawng |
|         | hui khawm | pawng   | thuang |       |

### TIH TURTE

1. A âwlah dah khat rawh.

(a) Kairûma lal ðan chu kum \_\_\_\_\_ vêl a ni.

(aw) Kairûma hi lal \_\_\_\_\_ thiam taka sawi a ni.

(b) Mizo lalte zinga British sawrkar \_\_\_\_\_ ber a ni.

(ch) Biate khuaah \_\_\_\_\_ kum \_\_\_\_\_ thla khan a thi.

(d) Buai hmaa Mizoram thingtlang khaw lian ber chu \_\_\_\_\_ a ni.

2. Kairûma chanchin in zira khaw hming lang zawng zawngte kha ziaak chhuak la, chung khuate zinga i duh ber khaw pakhat chanchin i hriat theih ang ang ziaak rawh.

| Khaw hming | A chanchin |
|------------|------------|
|            |            |

3. Heng thumalte hi a awmzia zawng chhuak ula, hrihfhiah rawh u.

kâi \_\_\_\_\_

tudawl \_\_\_\_\_

enghelh \_\_\_\_\_

ṭhuang \_\_\_\_\_

tuk \_\_\_\_\_

kuli \_\_\_\_\_

4. ‘Khua leh tui’ tih hi i hriat thiam danin a awmzia han sawi fiah teh.

5. ‘A khuaah mi chhia an bet lo va, mi ṭha an pâwng hek lo’ tih hi eng nge a awmzia?

6. Activity

Kairuma chanchin in zir aṭang hian a lem han chang teh u. Mipa naupang lian berin Kairuma lem chang sela; lalnu lemah chuan hmeichhe naupang sam sei ber chang se. Mipa naupang 4/5 vêl chu Sâp sipaiho lemah an chang ang a. Kairuma khua sipaiin an hual lai te, sipai hnena a inpe lai etc. te chan ni se. Naupangten an part milin thu sawi ṭheuh bawk se.

7. Project

Mizo lalte zinga 10, an hming leh an khaw hming leh eng ang lal nge an nih tih i nu leh pa emaw mi dangte emaw zawt chhuak la, ziaak rawh.

|    | Lal hming | Khaw hming | An chanchin tawi |
|----|-----------|------------|------------------|
| 1  |           |            |                  |
| 2  |           |            |                  |
| 3  |           |            |                  |
| 4  |           |            |                  |
| 5  |           |            |                  |
| 6  |           |            |                  |
| 7  |           |            |                  |
| 8  |           |            |                  |
| 9  |           |            |                  |
| 10 |           |            |                  |

Mizoram thingtlang khaw hal



## Table of Contents

1. [ZIRLAI 18](#)
2. [KAIRUMA CHANCHIN](#)
  1. [Thu pawimawhte](#)
  2. [TIH TURTE](#)